

什那縣志卷三十七

政績志

漢

雍齒沛人秦二世二年癸巳冬十一月秦兵圍沛公於豐沛公出戰破之令齒守學而之薛齒遂降魏從漢後以功多不忍誅漢六年拜什那侯十二年高祖過沛復其民以雍齒為魏故不復豐父老頓首請乃並復如沛按史記功臣侯年表高祖六年三月戊子肅侯雍齒元年孝惠三年荒侯巨鹿元年孝景三年中侯野元年中元六年終侯桓元年元鼎五年發夜郎兵下牂牁江會番禺列侯皆莫肯求從軍擊越會九月嘗酎祭宗廟列侯以令獻金助祭少府省金有輕及色惡者上皆令劾以不敬奪爵者列侯王子侯百有六人侯桓坐是免

楊仁什那今實惠為政勸課掾吏子弟悉令就學其有通經術者顯之右畧或貢之朝由是義學大興墾田千餘頃行兄喪去官後為閬中令卒於官（後漢書有傳錄入藝文）

蔣琬零陵湘鄉人先主入蜀除廣都長諶葛亮嘗稱為社稷之器謂其為政以安民為本不以修飾為先頃之為什那令先主王漢中為尚書郎遷大將軍錄尚書事封安亭侯（三國志本傳）

什那縣志

卷三十七 政績

一

宋之源雙流人秘書丞若水之子初令龍游言吳曦必亂當事不聽解印綬去後曦果叛賊平詔進秩一等改官什那甚有惠政初從朱晦庵游字積之晦庵為改清之蓋期望之云後通判邛州承乏威州所至吏畏民懷循聲甚藉

楊泰之字叔正眉州青神人少年刻志力學臥不設榻者十餘年後力以古道自期慶元間由廬州尉改什那令歷仕皆有異績寶慶間入對稱旨遷大理寺少卿詔直寶謨閣

明

王誥衡州人天順時授什那令居官清慎吏畏民懷

王廷傑陝西韓城人正德間令什那饒直剛明善於幹濟學宮縣治俱捐修一新又數發姦捕伏一邑賴以保障士民愛之不忘

石堅陝西沂州衛人正德間任漢州判官署什那縣事實無偽善政治民後卒於署那民哀思之繪像以祀

薛大梁普定衛人嘉靖間為什那令時舊令相沿苛政種種弊孔百端公悉心清查一切革去政令嚴明蠹胥奸民不敢復肆吞噬流民聞而復業者且數十百家後陞知石屏州一主二

僕行李蕭然

韓宸雲南大理人嘉靖間爲什邡令悉心用事清介自持於署左建琴鶴二亭延士大夫論議公事詢察民瘼未久以直道去邑人憐其清貧率以金帛爲贖公受之戒行稍遠仍返其主歸家就屋以居授徒自給楊用修懷以詩云出宰千家邑歸無三徑賞

朱嘉言雲南臨安人嘉靖中爲什邡令明於聽斷深悉民隱時值運大木公親身辦理寓廠三年均勞節費一邑賴之

馬廷錫貴州宣慰司人嘉靖間以經魁任什邡教諭教士以敦倫爲重立品爲先一切以身先董率懃懃懇懇終始不替張東沙中丞薦有翰苑才陞內江縣知事不久棄去

賈梁雲南江川人隆慶間爲什邡令剛方正直人不敢干以私在任四年清苦如一日條陳運米折色民免賠累邑中咸德焉

劉寧江西吉水人爲什邡教諭經明行修誠心敷教一時諸生爲之感動興起人文出色學校增光(以上皆見通志)

國朝

李若璋字奉之直隸永平府遷安縣人父毓英明末知武昌府公幼隨任值張獻忠陷武昌公

什邡縣志

卷三十七 政績

一一

父殉節公得家中人救歸中順治十六年鄉榜康熙九年授什邡尹時人民稀少景物荒涼署中止草屋數椽城窟存虎豹之跡公悉心經理民漸歸附十四年卒於官其子元先艱於回籍奉母安氏與公合葬縣之巢鳳山鴨子河岸丁家灣之側後 史志墳後墓)

胡之鴻浙江山陰人康熙二十三年由福建富沙陞令什邡時兵燹後土地荒蕪人民稀少官居居草萊之間公悉心撫育多方招徠闢污萊興水利漸次建立學校創修衙署凡一切儀制規模略爲完備通邑荆榛煥然改色官民之間無異家長之處家事焉後擢福建汀州府同知去之日邡之士民蟻送數十里高聲出涕泣數行下者不一而足去後數月民間砧杵悉不聞聲至今耄耄之老言之猶不能忘惟公真能以父母之道處邡民故邡民亦能以子弟之分誦思之不輟謂之循良之吏庶不少愧也(丁志)

丁士一字鸚鵡號河峯山東日照人由丙戌進士爲什邡令忠信明決折獄片言尤長於文藻雅善作人立課程勤造就受業者多獲雋一時士風丕振不愧父師之目邑士楊元敬漆本成朱音恬高其哲皆出其門新漢金安成郗之間沾其教澤舉鄉薦者以十數任滿行取戶部陝西清吏司累遷江西布政使(劉志)

管臚傳雲南新興州己卯舉人雍正四年令什邡長於聽斷屢值命盜疑獄公不動聲色悉得

其情遠邇頌曰神君川省官向止俸薪一切費用率取給於民至是始立養廉從前所有陋規公一時剔除俱盡，立石以垂久遠公未莅任適蒞改綿州爲直隸議以什那隸綿民情苦不便屢次申訴未允公到任力陳疾苦得仍其舊平日與聚勿施尤見誠求之隱以材力優長調繁成都縣凡通省疑獄批委判剖率皆幽隱畢燭上憲奇其才識屢膺卓薦擢寧遠知府後以老致仕歸公治那僅二載事事浹洽民心凡有興革悉具懷德畏威之情那邑自胡令而後能以德教感人者惟公爲最著焉（劉志）

史進爵字笠庵號三坡陝西興安舉人乾隆六年令什那邑舊有義學僅三間雍正九年改節孝祠遂廢公甫至任念義學育才之地烏可缺揭俸倡首建方亭書院講堂東西室牆垣井竈牀几諸器悉具延師訓學十二年建後堂五間置田地百數十畝始有膏火之賞立二社學招城內外童蒙之不能就傳者又修文廟砌泮池建尊經閣念邑乘屢經前往採訪未及成書與邑人士詳加纂輯爲書十八卷書中尤於教養之事反復諄諄如水利則示以灌溉修築之法農田則示以耕作種植牧養之法風俗則示以古禮語學者二則則示以德行實踐經濟致用爲有本之學及文藝乃明理治心之資其途亦有義利之辨尤非儒者不能言此可以慨然想見公之爲政矣

什那縣志

卷三十七 政績

三

胡德琳字經畬號書巢廣西桂林府臨桂縣人乾隆壬申進士好賢納士乾隆十九年甫莅任即以振興文教爲務講學方亭書院書刻朱子白鹿洞學規於門屏又爲匾懸朱子立志說以示學者尤工詩什士之言詩者得公爲先導其居官清廉鄉人有致書求蜀土產者公寄黃連川椒少許答以詩云宦囊何所有贈子苦與辛後陞常州府知府

任思正字廣平號舒軒貴州遵義府仁懷縣舉人乾隆三十六年令什那長於折獄人有君神之日尤健於爲文那士以文求質者雖軍務旁午亦必爲之講論獎勵士類培振文風舊

聖廟卑狹公諭紳士新之身親監修五歷寒暑而始竣又補建書院添設膏火延明儒訓課那士沐其教澤登賢書者數人後因病卒於署

冉尙祥貴州安順府清鎮縣舉人嘉慶三年令什那愛士恤民政務舉時值邪匪自東擾北偷渡嘉陵江人必惶惶訛言四起公安慰撫綏日不暖食時而鄉村訓練團勇時而城中戎服巡查又於各要隘相度地形分頭築卡縣屬沿邊俱設盤查以杜邪匪之窺伺闔邑恃以無恐後因過勞致疾卒於任所其子廷楷貧不能扶柩回籍士民資助始歸至今什民道及猶嘆惜不置云

彭錫琬字虹亭號拙又江西湖口進士學識宏博嘉慶五年以州牧攝什那篆甫下車即以振

興文教爲務雖羽書絡繹不廢也尤好獎勵士類一才一藝無不物色之屢入闈所獲皆知
名士故公有十載爲官八入場無人不識老分房之句其移建養濟院捐俸活人善政頗多
去之日士民遮道攀留公一一慰之後任直隸眉州知州致仕歸

什邡縣志

卷七二十七

封蔭

四